

RAPPORT annual administrativ della pleiv da Tujetsch per 1975.

Per la secundaga savein nus presentar alla stimada cuminonza da pleiv, quen e rapport da nossa administraziun.

Entras la midada dil datum da serrer quen dals 31.12. sin la fin da fevrer, (art.17 della constituziun) se presenta uon in quen per 14 meins. Las intradas sco las expensas semuosan (per part en) cheutras per part en cefras pli grondas. Il quen ordinari ei sestaus en la rama tenor il preventiv. Il surpli avanzament da rodun 36 000.- frs. darivan per gronda part dal carschament tier la sbstanzia da taglia sin facultad e gudogn. Dapli sclariment davart ils quens auda, ed udis entras nies premurau cassier.

Cun 12 sesiuns della suprastonza e duas radunonzas de pleiv havein deliberau ils (impurtonts) fatgs della administraziun della pleiv. Cuortamein selubeschel da menzionar cheu ils pli impurtonts fatgs e midadas che han occupau ^{nus}agl interval digl onn passau.

Ils 25 de matg ha il primiziant Sur Felici Riedi festivau sia messa-nuviala a Rueras. Ei seigi stau l'emprema messa-nuviala en baselgia de s. Giachen. Ils vischins de Rueras han capiu da preparar ed ornar baselgia e vitg e dar cheutras la duida honor e respect al Sur primiziant en sia nobla clamada e missiun. Cun ina brev dattada dals 21.6.75 ha Sur Martin Bearth remess siu post sco plevon-rectur da Rueras-Selva, essent clamaus ed elegius sco plevon della pleiv da Sumvitg. Ei ha dau per nus nuot auter che approbar la demissiun, cun gratular ad El per la honorifica elecziun. Senza retard havein tschentau tier la administraziun episcopala a Cuera la damonda per in bien successur. Sco nus essan vonzei vegn orientai, fuvan denton negins spirituals s'annunziai per il post vacant de Rueras. La administraziun episcopala ei semussada fetg surventscheivla e beinvulenta e procurau per la pastoraziun da Rueras e Selva in provisur. Sco tal ha il beinenconuschent ed aultstimau missionari P. Teodosi Sialm entschiet ils 11 da settember cun la pastoraziun da quels dus vitgs e quei per cumpleina cuntentientscha da ses confidai. Per comiau da Sur Martin havein organisau ina fiastetta, cun producziun della soz. de musica, dil chor baselgia de Rueras e ded in chor d'affons. Igl ugau bas. Gion Chrisost Caduff ha en in liber plaid regurdau en spezial dils merets da Sur Martin per la pastoraziun da Rueras, ed engraziau ad El en num dils vischins da Rueras per tut la gronda lavur attaschadadat e success sco plevon-rectur, durant prest lo onns a Rueras e Selva. La suprastonza de pleiv ha surdau a Sur Martin, en renconuschientscha ed engraziament per tut prestau, in pign regal, en fuorma ded ina cristalla da Tujetsch, . Nus gievischein a Sur Martin vinavon la benedicziun divina en Siu operar.

Suenter 12 onns de survetsch ha era il caluster de Rueras, Victor Berther remess sia piazza. Entras ina brev havein engraziau ad el e sia familia per la gronda e buna lavur en survetsch da baselgia e vischins. Cun impau breigia havein anflau in niev

caluster en la persuna e familia da Giusep Huonder-Ackermann. Ad el giavischein grond plascher e perseveronza en il niev uffeci.

Tut sur ura ha igl uffeci da baghegiar cantonal dau part, ch'ei havessien aung ensatgei raps d'avons, e fussions propts da far ina correctura cun la via cantunala dalla pun dil Run entochen Cafe Badus, mo drovien leutier terren della pleiv. La radunonza de pleiv convocada sin ils 3.9.75 ha decidiu da ceder al cantun il terren necessari, e medemamein era da vender al cantun il baghetg d'economia a Duleci, mo senza il sulom da quel. Il recav ord quei schischom ei deponius sin in carnet separau tier la banca, sco reserva per eventualas investiziuns. Sin damonda tschentada a scret dalla suprastonza communal, ha la medema radunonza de pleiv dils 3.9. concediu alla vischnaunca politica il necessari terren, per engrondir la piazza da parcaf, dalla nova casa communal encunter "Mira, e quei en fuorma da dretg da surbaghegiada, (Baurecht) e per temps limitau. Entochen oz ei denton aung buca surveseivel co e con vegn en damonda, ed il respectiv contract ei per quei motiv era aung pendants.

Sin giavisch da pliras vards, era dal vicari general, havein cun caschun della triangulaziun dil schischom sin intschess da Tujetsch, rimnau e mes a scret in inventariu da tut il schischom en possess della pleiv.

Per conclusiun da miu rapport descha ei surtut d'engraziar cordialmein a nos dus preziai Augsegners per la zun gronda lavur e premura en survetsch da nossa vasta pleiv. Nus savein che nus havein Els oz pli probabel per la davosaga en il miez da nossa radunonza generala. Els san ed astgan denton esser segirs, che Els restan vinavon en engrazieivla e buna memoria dalla presenta generaziun dils Tuatschins.

Ieu engraziel era a mes collegas della suprastonza da pleiv per la emperneivla e buna colaboraziun, e buca meins era a tuts ils ugaus da baselgias e capluttas per tut il grond quitta e lavur. Engraziar vulein era a tuts quels che ein engaschai sco survients ni gidonters en in ni lauter dils differents survetschs per la baselgia e pleiv. Tuts meretan nossa pli gronda reconuschientscha ed engraziament.

Per finiziun da miu rapport engraziel era allas stimadas vischinas e stimai vischins per la buna capientscha da nos problems e per il sustegn retschiert tier nossa lavur en survetsch della pleiv.

Camischolas, ils 30.4.1976

Cavegn Christian